


鄉土志業編

張國淦著



七

30
2



始





神木郷志目錄

卷一

天文

一

地理

一

山川

三

邊外屬地疆域

五

邊外屬地山川

六

營造

八

封爵

一〇

卷二

職官

一

貢賦

一

學校

二

祠祀

三

選舉

五

封廩

八

兵防

一〇

卷三

燕京大學圖書館贈本



神木郷志

目錄

燕京大學圖書館

軍事

一

郵政

四

水利

四

鹽法

四

茶政

五

物產

五

卷四

風俗

一

祥異

三

名宦

三

人物

五

陵墓

一

古蹟

一

經籍

二

金石

二

藝文

二

拾遺

二

志異

三

神木鄉土志卷之一

天文

經度

神木縣在北京偏西六度

緯度

神木於北極出地為三十八度五十五分

節氣時刻

神木於順天府節氣時刻應減一刻九分因神木在偏西六度每度當四分共為二十四分故於順天節氣時刻應減一刻九分榆林府城在偏西七度其節氣時刻則又較此為先矣

太陽冬夏出入晷度

北極高一度則地面差二百五十里而寒暑密移晝夜之短長各異神木北極高



三十八度五十五分與順天府較之僅差一度則冬夏太陽之出入亦僅差四分而已

附神木氣候

神木氣候寒甚良以地處極邊風勁烈寒春秋二季稍微溫和冬夏二季寒暑過甚至其風向則春秋冬三季多北風夏多西南風每年之間東風甚少雨量以常年計之夏多霖雨秋多霪雨冬多積雪逢春雨少然而遇雨成雪因氣候過寒職此之故耶

地理

建置

神木唐時為麟州前明正統八年移建縣城於屈野河之東岸是為今治 國初因之雍正時隸於葭州乾隆元年罷葭州直隸與縣同屬於榆林府二十七年析葭州之高家堡趙家石畔等村隸神木迄今再未升設析置改換名稱縣境原轄四堡今大柏油堡已廢僅有其三 詳後疆域中

神木東薄黃河西逾秃尾南通葭蘆北鄰蒙古屈野河縱流於中古長城橫蔽於外山川險要亦形勝之區也志疆域山川

疆域 附地形 位置

神木縣境東至邱家寨六十五里與府谷縣之劉家大寨連界西至高家堡雙謀梁汛一百二十里與榆林縣水掌上村連界南至黃河岸張家川一百四十里北至五盧口邊牆十里與蒙古郡王旗夥盤地連界東北至永興堡暗門峁八十里與府谷縣萬家墩連界東南至彩林一百三十里與府谷縣錯壤連界西南至屈家南溝一百二十里與葭州之謝家溝連界西北至高家堡關門一百一十里與蒙古五勝札薩克台吉兩旗夥盤地連界東西相距一百七十里南北相距一百五十里面積約一萬五千餘方里編戶四里二十三甲領堡三寨十六寨 今廢置詳後堡 分列於左

永興堡 縣東北五十里明成化中巡撫余子俊遣鎮羌指揮宋祥置土城在山後萬歷間用磚包砌今塌損僅剩土城

柏林堡 縣西南五十里明成化初巡撫盧祥置土城在山原萬歷間用磚包砌今已坍塌

高家堡 縣西南一百三三三在秃尾河東岸明正統間巡撫陳鎰建後余子俊展修磚城 國朝乾隆十五年知州祖德宏請修二十七年撥歸神木三十三年知縣方萬年重修今城垣尙固城內戶口盈密街市之間貿易頗繁但不及往日之盛耳城外山水環拱與縣城形勢相似有都司一員屯住其中

地形

神邑地形東寬而西狹若自縣城至南境之張川作一線則東似一長方形西似一三角形

位置

神木在北京之西南西安省城之正北榆林府城之東北府谷縣城之正西距北京一千五百四十里距西安一千六百二十里距榆林二百五十里距府谷一百七十六里

山川

神邑之山脈可分爲東西兩大支在屈野河與府谷縣河之間者爲東支山脈在屈野河與秃尾河之間者爲西支山脈西支以柏林山爲分水嶺山東之水流入屈野河山西之水流入秃尾河自柏林山蜿蜒而東南至黃河岸而止縣城之西山柏林堡之點軍崖高家堡之興武山疊翠山及屈野河西岸之石盤頭山均西支山脈之屬也東支東至府谷縣河入黃河處沿河而下至縣屬之天台山而止縣城之東山永興堡之響石崖臥牛峯皆東支山脈之屬也謹將上所載有名之山分詳於左

東山 城東一帶高岡名曰東山距城僅里許袤長二十餘里最高處約七十餘丈下石而上土縣舊城卽在此山之上今遺址猶存都人士於此山之曲折巉巖處別其名曰香爐山 前明武宗賜名鳳頭山 龍眼山 一峯伸出形似龍頭中通二竅玲瓏可觀虎頭山 一巒兀峙若虎踞然 錦屏山 諸峯排列風光蒼翠若錦屏然 紗帽山 狀似紗帽展翅故名 白龍寺山 因古建白龍寺於山頂故名在縣南十里紗帽山在縣東南七里餘皆距縣城一

二里其實一山也

西山 縣西奇峯矗立名曰西山距縣僅隔一水長約里餘高可六十餘丈山係石質強半爲飛沙覆壓惟向南伸出一峯細狹竦峻狀若駝峯名曰駝峯山 明武宗賜名筆架山以及縣西北四里之鑄子山縣西六里之滴水崖首與西山相連特隨地異其名耳

石盤頭山 在縣南六十里屈野河西岸長約里許高約八九十丈

柏林山 在縣西南五十五里長六七里斜高約三里有武廟周圍古柏參天蒼翠如蓋人不敢伐亦不知其數土人謂之關王爺柏林堡即在此山之上

點軍崖 在縣西南八十里柏林堡南三十里爲柏林河發源之處

興武山 一名無量山在縣西高家堡南里許勢極險峻約高六十餘丈上建真武廟旁有榆陽士人王興大書塞北蓬瀛四字筆力遒勁下峭壁間有縣處士王萬清大書山河永固回字

疊翠山 在興武山西南石崖中有石洞開戶牖數處同治七年回匪之亂土人

曾避難於此

臥牛峯 在縣東北永興堡南十里

響石崖 在永興堡西十里

天台山 在縣南一百三十里山極崇峻樹木蒼翳上建梵宇九層高約二百丈

虎峪 在縣西高家堡西五里秃尾河西黃沙中突出山石一塊高可五十餘丈面東石壁上有石洞數處同治七年土人避難其間獲全者甚夥

屈野河 一名窟野其源有二一出自郡王旗打拉抗台東合榆樹壕水西南流十里會討索免溝水爲犍牛川又西南流一百三十五里有房子溝水東來注之又四十八里至沙河岔與沙河合自源至此已一百九十二里一出自郡王旗烏藍坳地方南流二里有忽機免溝水西來注之又五里有哈拉卜哈溝水東來注之又南流四十五里名沙河川又南流四十五里至沙河岔與犍牛川水會自源至此已二百九十五里二水會合名爲屈野河東入黃羊城溝水西入考考五素溝水又二十里有楊家城北草地溝水東來注之又三十里至五盧口入邊又

神水經 四
十里經縣城西又一里有兔兒溝水一名片河西自口外青草澗東南流遠駝峯山來注之又四里有泗滄河東來注之又五里大柏油河東來注之又十里柏林河水自西北來注之又計一百二十里至府谷縣屬之沙峁頭入黃河計自兩源會合自入黃河長二百里然水勢游揚不勝舟楫且水利未興縣城左右雖有膏壤不能資以灌溉洋洋河水無益於人惜哉

秃尾河 在縣西高家堡西門外初源實爲榆林縣屬之建安堡口外今所名秃尾河之溝溝掌 秃尾之溝下游卽紅柳河溝 嗣蒙地開闢深入其地始知秃尾河之正源爲滾泊爾海子亦猶揚子江初以岷江爲源後以金沙江爲正源也滾泊爾海子四圍沙堤水無所洩伏流七八里至哈卜塔河掌由草內湧出至窰鎮 俗名哈卜塔窰子 西入圪丑溝水南流二十里東入東母夥溝水西入西母河溝水又五里西入黑龍溝水又五里西入采免溝水東入神樹溝水又二十里西入惡水溝水東入轉龍灣水又十七里至暗門口入邊西入紅柳河水水量始大又三里東入金剛溝水又十里東入永利河水由高家堡西遞南十里至小邊墻入葭州境

又東南流一百一十里至宜和溝邊惠崖入黃河計長二百里自高家堡以上水勢散渙深者不逾二尺淺者僅沒馬蹏兩岸最闊處約有三四里均爲水佔不能耕種亦無益有損之水也

水道提綱云黃河流至神木東南界有秃尾河西北自神木邊外來合屈野河東南流注之今案秃尾河之處與屈野河入河之處相距最遠疑水道提綱誤響石崖川 在縣東北四十里源出永興之山神廟溝由石壑子入屈野河泗滄河 在縣東南四里源出府谷縣至縣五十里之劉家圪塔入境邊呼家圪臺灌園地數頃入屈野河

大柏油河 在縣西三十里其水有二一源出口外由大柏油堡東邊墻入口東南流經距縣十里之李家灣入屈野河古名大柏油即此一源出堡西邊內南流至解家舖入柏林河

柏林河 源出點軍崖下北流合關王節溝水爲柏林河東南達二十里舖入屈野河

永利河 在縣西八十里其源有二一出口外一出水洞至青陽岔合流而西經

高家堡入秃尾河

長澗川 在縣東六十里

水磨川 在縣南二十里

黃河 在縣南一百四十里東至府谷之彩林入境流十里至府谷之山塢出境
中有山坡渡又自府谷之沙峁入境西流十五里至葭州之羅家峪出境無渡口
河岸共二十五里水量最大但中有礁不便大船僅通行小舟而已

西豆峪水 在縣西南一百里源出封水村南流二十里入葭州境

彌勒川 在縣西南一百二十里源出屈家南溝南流十里入葭州境

菖蒲灣水 在縣西南一百里西流二十里至李家灘入葭州境

邊外屬地疆域 附開墾始末

神木邊外屬地於乾隆八年各旗貝子等以人民種地越界外游牧窄狹等情呈
報理藩院行文川陝總督飭司核議後奏蒙 欽差理藩院尙書班第大學士公

川陝總督慶復前詣榆林會同各札薩克等定議於舊界外再展二三十里仍以
五十里爲定界及乾隆二十八年高家堡撥歸神木則神木邊外屬地東起永興
堡邊外西迄高家堡邊外已延袤二百五十餘里近數十年中蒙旗屢次展界疆
域之廣數倍於往昔光緒二十九年經前督墾大臣貽穀奏明至活機兒免溝南
畔已墾之地仍歸陝西各州縣分管而神木邊地始有定界東至郡王旗特牛川
西石板而秦東南大榆樹梁與府谷邊外屬地交界距縣一百零八里西至札薩
克旗小保黨與榆林縣邊外屬地交界距縣一百四十里北至活機兒溝南畔
與東勝廳轄地交界距縣一百四十里東北至郡王旗雙兒廟迤東偏北石圪臺
地方與東勝廳交界距縣一百六十里西北至阿包免與東勝廳境交界距縣一
百八十里東西相距一百五十里南北相距一百四十里面積約二萬一千餘方
里然疆域雖廣而近邊數十里間半成不毛之地登高一望平沙無垠惟有河之
處資水灌田房民尙多此外間有可耕者即爲沙漠田 邊外有沙漠田者能生黃蓋俗
名沙蓋生既密頻年葉落於地藉以肥田如是或六七年或七八年蒿老而地可耕矣然僅種黍兩年兩

年後復令生蒿互相纏轉至成黃沙而止又有名爲灘地者地質潮潤能產五穀但周圍隆起無出水之道猝有淫雨即一片汪洋矣

邊外開墾始於康熙三十六年迨五十八年始立定界址有沙者以三十里立界無沙者以二十里立界及乾隆八年再爲展界將清初禁留地五十里均爲開墾當時尙爲夥盤地令民春出冬歸迄今近二百歲所墾愈廣距邊愈遠父老子弟生長於斯聚族於斯幾若忘其爲邊外也者今自光緒三十年山陝之界址既定則固墾之無可墾者雖邊外而儼若內地矣

邊外屬地山川

神木邊外本無大山大川然於沙漠中偶峙土崗足壯觀瞻偶有細流足資灌溉山固不在高水固不在深也謹將邊外山川分詳於左

舉人山 距縣城七十里峯巒秀茂前朝出有舉人故名

阿齊圖山 距縣城一百里

寨峁山 距縣城六十里明季於此立寨以禦套人

磁窰溝山 距縣城八十里

禾地山 距縣城七十里

木瓜山 距縣城一百二十里

東石山 在縣西高家堡北偏西二十五里於黃沙中突出一石其色紅高約二十餘丈上有清泉亦邊外之一觀也

西石山 在東石山之西相距約八九里與東石山形勢相似惟無泉而已

柴家梁 距縣城十五里東臨大川西繞柴溝上有土墩高大勝於他處四面山峯皆在其下俗名墩塢

孫元家梁 距縣城一百一十里與府谷錯壤

雙柏樹梁 距縣城一百三十里

犍牛溝河 距縣城一百里卽屈野河東源

沙河川 距縣城九十里卽屈野河西源

水磨河 一名清水河源出蘆草溝東南流入屈野河在縣北十五里

老龍池 距縣城十八里沙崗石磧下出一泉涓涓不絕清澈可愛東流十里至梁家園入屈野河

可可五素川 距縣城六十里源出札薩克旗傍界之紅水泉東南流入屈野河紅柳溝河 距縣城一百三十里高家堡西北三十里源出榆林縣牛角灣邊墻外禿尾之溝溝掌東南流入禿尾河此水灌園地甚多

青楊樹溝 在高家堡東北三十里距縣城八十里源出木瓜山至轉龍灣與轉龍溝合入禿尾河此水灌園地甚多

圪丑溝 在高家堡西北一百里源出於圪丑溝海子東南流四十里入禿尾河

惡水溝 距縣城九十里在高家堡北偏西東流入禿尾河此水灌園地六七頃

黑龍溝 在高家堡西北東南流入禿尾河此水灌園地亦多

采兔溝 距縣城九十里東南流入五里入禿尾河

活機兔溝 距縣城一百四十里入屈野河此為山陝界河

紅水泉 距縣城九十里沙磧下出泉數股水底紅石相映其色嫣然

滾泊爾海子 即禿尾河上源周圍數里深不可測產魚甚多水中有白蓮花隨風搖曳俗謂為神海子

營造

城池 附街市

城以衛民古昔則然今萬國競爭火器已達極點且氣球飛艇日新月異儻敵人凌空投以炸彈雖有萬丈之城百尺之池亦歸於無用急宜發明新理講究備禦之方庶一旦有事不至束手無策若僅恃城池而不修戰備烏乎可雖然彈丸小邑聊備土匪但使城高池深亦足以固吾圉也志城池

神木縣城始自前明正統八年初為土城高二丈五尺周圍五里零七十步成化四年巡撫余子俊增修邏城門樓隆慶間神木道張守中又增高為三丈七尺設角樓四座窩舖十六處萬歷六年神木道覃應元以磚甃之倍加完固城周四里三分頂寬一丈五尺底寬一丈七尺康熙二十四年知縣劉萬策重修乾隆十一年知縣陳天秩請帑重修是歲雨損土城一十七段捐資補葺立碑北城門樓並

建修西城洩水洞乾隆二十六年知縣吳榮龍捐修嘉慶五年西南城墻圯知縣王文奎捐修光緒二十一年知縣方福葆復為補修並未展拓移置城之東南北無池惟西以屈野河為池

城內有樓洞三南北大街一偏東二街一偏西二街一東西大街一南城外有直街里許北城外原亦有直街里許經同治七年回匪焚毀後所存者惟民房數座而已其餘小巷不及備載

公署

神木自同治七年回匪陷城官署民房付之一炬僅存同知署一座理事司員署尚留強半其餘公署悉為灰燼後惟理事司員署繕修完全參將署聊建數十椽而已謹將舊日之公署分列於左

縣署 明正統八年建在城東北隅同治七年署燬知縣借住興文書院
神木理事司員署 在縣署西因希文書院而改修者也光緒二十八年裁缺後即將原署改為高等小學堂矣

同知署 在城東南隅即明延安東路通判署也建造年月無冊可稽

儒學署 明萬歷間建於 文廟西北隅至康熙五十五年移建於明倫堂後同

治七年署燬教官現寄寓於文昌宮

典史署 在縣署大門內同治七年署燬現典史亦寄寓於文昌宮

參將署 在縣署西一里即東協副將署也同治七年署燬參將亦賃屋而居光

緒十九年參將楊延弼建正房廂房十餘間參將始居署內

守備署 在參將署西偏同治七年署燬現守備借住法華菴廂房

把總署 在西門城菴同治七年署燬現把總借住白衣菴

統計神木縣城公署八座現僅有其三

舊神木道署在舊縣署之前今故址尚在

關梁

關 神木巖疆小邑鄙在邊陲止以堡寨為稽查匪類之地雖縣城及各堡均有邊口在有明時固屯兵駐守作北門鎖鑰前清中外一統已為蒙古出入之孔道

似不足以關險目之然而九邊能限戎馬之足至今猶爲重鎮正未可略而弗載也謹將神木各關隘分列於左

合河關 在縣東黃河見府志 鎮川寨 在縣東南六十里

骨朶寨 在縣東十五里 銀城砦 在縣東南四十里

神堂寨 在縣東南六十里 靜羌寨 在縣東南一百里

石山子寨 在縣東南一百二十里 張巴兒崖寨 在縣南十里

太和寨 在縣西南五十里 吳兒堡寨 在縣西南五十里

柏林堡 在縣西南六十里 大柏油堡 在縣西三十里

宅門塢堡 在高家堡東五里 太和砦 在縣西南九十里

吳家石堡 在縣北十二里 石堡塢寨 在縣東十里

中墩寨 在縣東南八十里 百勝寨 在縣東南一百里

板門嶺寨 在縣東南四十里 訾柏溝寨 在縣東南四十里

頁沙梁 在縣北永興堡西 走馬梁 在縣永興堡南

梁 神木境內無用石砌成之橋梁惟遵古制徒杠成輿梁成之期搭置木橋至次年水暖時折而儲其材木經冬再搭此常例也惟屈野河秃尾河河岸既闊橋身亦長經費需款頗多其他如響石崖川各渡橋柏林河各渡橋永利河各渡橋大柏油河各渡橋河岸既狹其流亦細其橋梁之搭置亦所費無幾茲僅將屈野秃尾兩河之橋梁分列於左

梁家園渡橋 在縣北八里常年募化而修俗謂之善橋

兔兒溝口渡橋 在縣西一里常年由縣城各店行籌修

十里舖渡橋 在縣南十里常年由縣城碾行籌修

鐮山渡橋 在縣西北三里常年由邊行籌修

以上四橋在屈野河上

高家堡西門外渡橋 舊有石橋工程頗鉅道光二年被水沖圮僅存三洞今常年於洞之左右搭置木橋經費由官發價搭置由鄉約經理

關門渡橋 在高家堡北十里舊爲高家堡各鹽戶籌修今該鹽戶無力建置已

廢十餘年矣

以上在禿尾河上

封爵姑闕

神木鄉志卷之二

職官

文職

神木理事司員於雍正元年由寧夏議撥一員駐劄神木管理鄂爾多斯六旗蒙古民人事務由理藩院司員內揀選三年更換於光緒二十八年裁缺所有開列職官正署人名表因同治七年獮匪之亂檔案焚燬無存姑闕俟考

神木同知乾隆九年改爲理事同知專管鄂爾多斯六旗蒙民交涉事件兼糧捕並經徵神木商稅作爲旗缺今自民國元年改爲漢缺商稅亦歸釐局徵收

武職

神木專闔武員順治初爲遊擊十三年移孤山堡副將於神木遊擊裁後於咸豐年改爲參將同治七年獮逆陷城檔案已燬無從稽考今暫從闕俟查明續修

貢賦

戶口

神木自同治七年猖匪蹂躪縣城及高家堡兩處屠戮居民十之八九存者十之一二其餘存者亦僅十之五六今生聚四十餘載元氣猶未盡復較之道咸年間之戶口尚遠不逮焉茲將現在城鄉戶口列表於左

民國三年分民屯戶口表

地名 戶

男

女

城鄉 八千八十六戶 五萬一千二百一十八口 四萬五千六百九十五口

合計 九萬六千九百一十三口

據上所列民屯戶口表知兵燹之後生齒猶未見其繁稠匪之荼毒甚矣哉

地畝

神木鄙在極邊幅幅雖廣半皆石磧沙岡而地之可耕者亦磽瘠而鮮有沃壤其間又分爲民地廢地兩項廢地尤屬無幾茲分列於左

民地 原額折正地三百八十一項三十畝四絲

廢地 原額地一百三十頃五十五畝五分五釐乾隆二十七年在於陳請就近改隸等事案內接收葭州改隸高家堡廢地五十四頃二十五畝五分共實額廢地一百八十四頃七十六畝

以上共民廢地五百六十六頃六畝五分

田賦

田賦乃小民正供前清時僅以本色應軍精丁銀儲國用餘概無徵茲分列於左
地銀 以原額折正地畝額徵折色地銀一千六十五兩八錢三分一釐三毫七絲四忽七微遇閏加徵銀五十一兩四分七釐

丁銀 原額實在人丁共六千五百七十二丁額徵銀八百三兩一錢四分二釐八毫八絲三忽三微三纖五塵前清康熙五十二年定爲常額永不加賦於雍正五年攤入地糧徵解

糧草 以原額折正地畝額徵本色糧一千三百三十六石五斗三升九合四勺三抄額徵本色草三千二百一十七束八觔一十三兩八錢

糜糧折色 原額並葭州改隸高家堡糜地畝數額徵折色銀二百二十一兩六錢七分四釐遇閏加徵銀七分九釐

以上共額徵地丁糜折色連閏銀二千一百四十一兩七錢七分四釐二毫五絲八忽三纖五塵分上下兩忙徵收本色糧一千三百三十六石五斗三升九合四勺草三千二百一十七束八觔一十三兩八錢

屯地及屯地銀兩草束詳屯運茲不贅
邊外屬地尙未升科

學校

學宮 附學額 學田

神木學等舊在城南隅明隆慶間移於城之東門內同治七年迴匪陷城焚燬大成殿東廡鄉賢名宦祠前清光緒十一年經知縣裕安教諭張金鑑同紳士籌款興修煥然一新及升祀後於民國三年如制補修僅將學牌改爲紅色金字其規制如左

大成殿五楹 東西廡各九間 戟門三間 名宦鄉賢各三間

碑亭二間 祭廚宰牲所各三間 泮池樞星門照壁角門圍牆如制

崇聖祠在 大成殿東北正殿三間 前敬一亭三間

學額 歲科試額進文生員各八名武生員十二名廩生定額二十名連膳夫廩銀五十兩七錢二分九釐

學田 三垧租九斗 見府志

書院 附義學

興文書院 在舊縣西南乾隆五十八年部郎嵩英知縣王文奎邑人甘肅知州陞寧夏府知府王賜均捐置無膏火前知縣馬濟川捐俸助之道光二十一年知縣王致雲教諭薛蘭皋倡捐共得錢三千二百千文發商生息以爲修脯膏火諸費迨兵燹之後舊款全歸烏有書院亦爲知縣借住

麟城義學 在書院後舊爲道署書房雍正元年改爲麟城書院道光年改爲義學今改爲初等小學堂矣

學堂

神木學堂於光緒三十二年官紳等籌常年款項建立高初等小學堂十一處謹將各學堂分列於左

高等小學校 光緒三十二年知縣張世恩稟請即以舊司署改作學堂聊為補修其規制教員室五間 講堂三間 禮堂三間 學生自習室前後十二間 廚室兩間 司事及藏書室五間 大門三間 外院廂房三間 操場一所 縣城內設初等小學堂四座 一在高等小學堂西舊麟城義學所改也 一在鴻福寺 一在軒轅廟 一在大街 鄉外設初等小學堂五處 一在縣東南鄉陳家坪 一在縣北鄉 一在邊外屬地紅柳河溝 餘二處設在縣西高家堡城內 學務局 設在高等小學堂西編關帝廟內

祠祀

壇壝

社稷壇 在縣西南半里

風雲雷雨山川壇 在縣西北半里

先農壇 在縣南郊三里

厲壇 在縣東郊東嶽廟西

祠宇

文昌祠 在學宮左邊

關帝廟 在縣城東鳳頭山下縣城內高等小學校右邊又有一所為舊神木司員所建各堡均有惟柏林山廟亦鉅麗

城隍廟 在興文書院東南各堡均有

魁星樓 三處 一在東南城角 一在虎頭山上 一在縣西高家堡東山上

龍王廟 大者四處 其餘農民醮建者指不勝屈

上帝廟 在北城牆上建於前明隆慶六年今為萬壽宮

真武廟 在縣東山上 一在高家堡興武山上

東嶽廟 在縣龍眼山下明宏治年建今又補修

蟲蝻廟 在城南門外

龍母廟 在城北門外

馬王廟 在城北門外

山神廟 在縣東龍眼山下

火神廟 在縣東龍眼山後

風神廟 在縣城東門外知縣馬濟川建

河神廟 在城西門外

劉猛將軍廟 在城東門外前清道光十六年知縣王致雲建

藥王廟 一在城東門內 一在南門外

財神廟 在南關外

白虎廟 邑人奉為鹽鹼神在南關外

寺院

神邑居民最佞佛而惟縣城為尤甚每戶屋之正中必繪佛像供奉維謹以故城內外寺院菴觀極為繁盛蓋習俗使然亦以見迷信之過深也姑志寺院於左

宏福寺 在城東街前明隆慶年建

準提寺 在城東街

文明寺 在城西南隅

觀音殿 在城東南隅相連兩殿

白衣殿 在城東門內

法華菴 在城東北隅

興慶菴 在城北街

元清菴 在城西北隅今廢

淨土菴 在城西南隅 以上在城內

蟾海寺 在城東門外又名大佛寺

洪海寺 在城東門外今廢

極樂寺 在縣東山上距城里餘康熙年神木協鎮羅萬里建四圍以石砌成環以雉堞若城垣然登其上俯瞰縣城盡在一覽中矣

金蟾寺 在縣西北鐮子山下

七佛洞 在縣東山

千佛洞 在縣東山明萬歷間僧淨元鑿石創建

岫巖寺 在縣南十里即古白龍寺移建山下內多石刻題詠

河津寺 在縣南四十里屈野河岸突起一山寺即建焉

文泉寺 在縣西五十里 洪教寺 在縣東南九十里

報國寺 在縣南八十里 山坡寺 在縣東南九十里

玉泉寺 在縣南九十里 呂祖洞 在縣東山

廣教寺 在縣南一百里 張仙洞 在縣東山

選舉

進士 文科

楊世顯 嘉慶戊辰科舉人甲戌科進士

宋良 道光壬午順天舉人壬辰進士任開縣知縣升天全州知州復任開州知州

舉人

楊宗聖 乾隆丙子科 白子繁 乾隆己卯科 王賜均 乾隆戊子科任寧夏府知府

劉德 乾隆庚寅科 侯維藩 乾隆丙午科 王爾諱 乾隆壬子科

武鳳翥 乾隆甲寅科 何學海 道光辛酉科 杜嘉樹 道光丁酉科

武葆齡

裴學曾 光緒三十四年 京師大學堂優師範班畢業生奏獎師範科舉人中書科中書更名廷藩

貢生

副貢 張繼恕 乾隆壬子科

拔貢 喬而淳 乾隆辛酉科 張魴 乾隆癸酉科

王賜均 乾隆乙酉科 張松齡 乾隆丁酉科 劉士毅 乾隆己酉科

王潤 嘉慶辛酉科 何學海 嘉慶癸酉科 麻定基 道光乙酉科

薛繩先 道光丁酉科

麻定基 道光己酉科

薛培昇 咸豐辛酉科

薛培光 同治癸酉科

郭懷仁 光緒乙酉科

張紹文 光緒丁酉科

王光曜 宣統己酉科

王安國 宣統己酉科

貢

薛邦翰

王股

劉天策

燕丕基

王蒲

康祚

李開昌

馬元龍

郝邦畿

郭永瑞

楊向儒

喬光暘

張存榮

王賜爵

喬培生

張名世

張顯文

王盈科

折文采

倪必會

楊宗堯

白眉

撤承烈

孟俊逸

姚毓舜

郝瑗

王士麟

吳道隆

郝潘儒

郭洪猷

解而虞

楊宗禮

郭纓

曹楣

李士超

武鳳儀

姚種

喬日祿

院字賓

馬尙忠

以上乾隆年

劉功

劉景洙

沈樹基

麻傑

張泰元

喬日泰

王鐸

汪毅

王全孝

宋之郊

汪乾

楊如柏

郭洪書

韓仲文

姚士魁

吳桐

劉際熙

孫繼曾

喬植

薛騰

以上嘉慶年

張維翰

杜景甫

郝鎮

張念曾

喬國士

黃天叙

姚黃

李世芳

武烈

張聘

劉震

杜子春

劉折桂

劉桂

王恩寵

以上道光年

咸豐年闕

喬璋

黨家齊

喬溶川

以上同治年

蘇京軾

李亨旺

薛培懋

張鵬程

張定疆

喬瑄

喬登鰲

白萬軸

喬珙

白萬漆

薛懷德

郝兆星

汪洛書

王鼎

楊舟

莊發榮

王樹槐

張國珍

喬鎮豫

王啓祥

賀懋誠

曹德本

王開國

以上光緒年

王治岐

屈汝益

賀偉

由省城高等學堂豫科畢業歲貢

武進士

賀大德 乾隆甲午科舉人乙未科進士任曲靖協都司

王勤民 乾隆甲午科舉人乙未科進士任曲靖協都司

武鳳來 乾隆甲午科舉人丁丑科第一甲第一名進士授頭等侍衛累升至梧州協副將復升山西撫

標中軍參將

秦鍾英 嘉慶癸酉科舉人己卯科第一甲第一名進士授頭等侍衛升河屯副將尋升貴州安義鎮總

兵復升貴州提督

王文裕 道光戊子科舉人壬辰科進士

王聚福 道光甲午科舉人戊戌科進士

李如淵 光緒乙酉科舉人丙戌科二甲進士授 御前侍衛官宣化府遊擊

武舉人

馬傑 乾隆甲子科 喬附鳳 乾隆己卯科 高重禮 乾隆庚子科

王賜塏 乾隆癸卯科 李芳 乾隆丙午科 解聖易 乾隆辛酉科

單鵬 乾隆己亥科 高爵 乾隆壬子科 王鎔 乾隆甲寅科

李映邦 乾隆乙卯科 劉楷 嘉慶庚申科 解鴻文 嘉慶辛酉科

王鑑 嘉慶辛酉科 杜如桂 嘉慶癸酉科 郭之幹 嘉慶丙子科

閻朝樑 嘉慶戊寅科 張世忠 嘉慶戊寅科 宋存信 嘉慶己卯科

張欽紳 道光辛酉科 閻朝棟 道光壬午科 劉禹甸 道光乙酉科

李爾華 道光辛卯科 李麟運 道光甲午科 李亨泰 道光乙未科

秦尙謙 道光庚子科 秦尙仁 道光甲辰科第一名舉人

白世明 同治癸酉科 郭如海 光緒己卯科

封廕

封贈

郝名揚 以子偉任總兵晉贈光祿大夫 王好善 以子勤民任遊擊贈宣武都尉

王燾 以子賜均任知府贈中憲大夫 王賜塏 以子鎔任刑部司務晉贈奉直大夫

宋子郊 以子良任知縣贈文林郎 張允中 以子欽紳任守備贈武德騎尉

武宗禹 以子鳳來任頭等侍衛贈武顯將軍 秦天榮 以子鍾英任提督晉贈榮祿大夫

莊九生 字厚甫以子發榮五品銜鎮番縣知縣誥封奉政大夫 張鵬程 以子紹文任知縣晉贈奉政大夫

郭紹周 以子懷仁任知縣晉贈奉政大夫 張誠 以子國珍同知銜縣丞贈奉政大夫

裴兆星 以子學會中書科中書贈奉政大夫 廕襲

曹世忠 以父文魁把總職襲雲騎尉 曹世恩 文魁次子襲雲騎尉

單有仁 以父鵬千總職廕八品監生 秦夢熊 以祖提督襲一品廕生官主事

王順德 以父鴻儒由行伍陣亡襲雲騎尉 王世蔭 以祖正邦由把總殉難襲雲騎尉

馬葆貞 以祖知芳由增生殉難襲雲騎尉 喬濟 等一十三名均因父祖殉難採訪事實奏奉 卹獎准以雲騎尉世襲現均聽候承襲廕生

喬濟 等一十三名均因父祖殉難採訪事實奏奉 卹獎准以雲騎尉世襲現均聽候承襲廕生

王賜均 由舉人任寧夏府知府 詳廉能 劉德 由舉人任通渭縣訓導 詳忠節

賀大德 由武進士任曲靖協都司 詳忠節 侯維藩 由舉人任阜寧縣知縣

張繼恕 由副榜任靖邊縣教諭 保舉知縣 吳道隆 由貢生任鎮安縣訓導

曹楣 由貢生任安定縣訓導 黃天廕 由貢生任涇陽縣訓導 詳義行

張允中 由貢生任西安府訓導升綏德州學正 姚種 由貢生任成縣訓導

馬尙忠 由貢生任固原州學正 張泰元 由貢生任雒南縣訓導

王鐔 由貢生任固原州學正 王全孝 由貢生任碾柏縣訓導

單鵬 由武舉任平垣營千總 曹文魁 由行伍授綏德營經制外委 詳忠節 王銓 由例監任刑部司務應京察一等

王鐙 由武舉任鎮遠營都司 王鎮疆 由例監捐員外郎知州任廣順州知州 王尙錦 由例監捐同知分發四川歷署州縣

武鳳來 由一甲第一名武進士授頭等侍衛累升至梧州協副將

秦鍾英 由一甲第一名進士授頭等侍衛累升至貴州提督詳勇略

杜如桂 由武舉任常熟衛千總 何學海 由舉人任麟遊縣教諭保舉知縣

張欽紳 由武舉任插箭營守備 王銑 由供事議叙任鉅野縣典史

宋良 由進士任開州知州

白雲宰 由議叙任嘉定府經歷保升知縣

夏校 由議叙現任繁岐縣典史

白雲寵 由議叙任鳳陽縣典史

吳桐 由貢生選平縣訓導

秦夢熊 由從一品廩生朝考一等內用刑部主事

武葆齡 由舉人任米脂縣

李如淵 由武進士任宣化府遊擊

喬璋 由貢生任監田縣訓導

喬珙 由貢生選延長縣訓導

莊發榮 由貢生就職府經歷指分甘肅前署鎮番縣知縣光復後回籍歷辦地方各要政卓著成績

郭懷仁 由拔貢任澄城縣教諭因辦賑務保舉知縣前任甘肅岷縣知縣

張紹文 由拔貢朝考知縣籤分甘肅歷署安化西和秦州等縣知縣

張文光 知慶貢任鄜縣教諭

閻延傑 由廩生考職典史指分山西反正後歷署本省府谷米脂知縣

喬鎮豫 由貢生就職府經歷分發甘肅試用

王光曜 由拔貢就職直隸州州判籤分四川己故 賀偉 由舉業歲貢就職

秦三定 貴州提督鍾英之曾孫由行伍前任神木營外委

劉子貴 由行伍前任永興堡把總已故

兵防

兵制

參將一員 神木舊缺前清國初遊擊順治十三年裁遊擊缺移府谷縣孤山堡延綏鎮東協副將於此咸豐年復裁副將缺改為參將管本營暨八營堡員弁事務

中軍守備一員 舊缺都司後改為守備專管餉糈軍械事務

城守營把總一員 專管操防接遞往來公文事務今改為由郵政遞送矣

經制四員

外委三員

高家堡都司一員 舊缺參將改守備乾隆年改都司專管高家堡營葭州汛員

弁事務

柏林堡把總一員 舊缺守備道光元年改

永興堡把總一員 舊缺守備道光元年改

以上二員均專管各堡操防接遞往來公文今改爲郵政遞送

神木參營 原額馬步守兵六百一十七名除奉裁分撥各堡外本營經額馬兵步守各兵共二百四十六名其餘高家柏林永興各堡亦設額兵數十名不等

軍儲

餉精 馬兵每名四季餉銀除朋建節省減平銀外實支銀一十七兩八錢九分五釐九毫 步兵原估每名四季實支銀一十三兩七錢一分九釐 守兵原估每名四季實支銀九兩一錢四分六毫
精糧不分馬步守每名四季在縣常平倉在府廣有倉兩處應支倉斗米豆三石六斗每斗米七豆三今已裁訖

塞垣

縣城邊口 邊牆長七十五里零八十六步墩臺六十座隆慶間神木道張守忠

增修夾牆長與邊牆相等

永興堡邊口 邊牆長六十二里零八十六步墩臺三十九座

大柏油堡邊口 邊牆長二十七里零三百三十步墩臺一十七座

柏林堡邊口 邊牆長四十三里零一十六步墩臺二十六座

高家堡邊口 邊牆長四十二里零二百三十八步墩臺四十四座

以上五口邊墻均明成化八年巡撫余子俊築東與府谷縣屬之鎮羌堡邊口交界西與榆林縣屬之建安堡邊口交界共長二百五十餘里墩臺一百八十六座今邊牆已圯惟墩臺猶歷歷在目

邊防

塘汛 暗門峁汛 葦子號汛 七里廟汛 響石崖汛 四塘汛

三塘汛 二塘汛 石壑子汛

以上東路

酸茨溝汛 塘馬窰汛 大墩梁汛 解家鋪汛 麻地樓汛

雙柏樹汛 麻地梁汛 張家水洞汛 東青陽岔汛 西青陽岔汛
 七里廟汛 硬地梁汛 雙謀梁汛
 以上西路

神木鄉土志卷之三

軍事

狽匪之亂

髮匪捻匪之毒其波未及於神城故自道咸以來鮮被兵革及同治年猝遇變亂民不知兵駢首就戮而官斯土者或全節義於署內或罹鋒鏑於陣前要皆視死如歸臨難不苟洵可謂能致其身矣茲將狽匪之亂詳之於左

同治六年十一月十八日狽逆由榆林竄入神境守備王殿元戰死

狽逆藍五等由花馬池竄入神木境僅四百餘衆據高家堡東南六十里之張家新庄關家崖壩爲巢穴高家堡時正殷富神木之首鎮也紳民恐其攻圍預籌防備乃請五勝旗蒙兵百名駐堡以資守禦十月十一日蒙古隊長患賊之擾害鄉村也率守堡兵及民團約五百餘人往驅之賊殊死鬪旗兵覆敗幾盡賊復走縣城東南四十里之石壩陂參將瑞福檄守備王殿元選營兵二百人暨團長武生

王二芝趙拴二等民團百人往禦之十一月十八日戰不利賊猝以馬隊橫衝官兵官軍首尾不能相顧大敗守備王殿元死之武生王二芝亦死之七年正月十八日獬逆馬致和破高家等堡

獬高致和率賊數萬由西路至榆林攻之不克乃連破高家堡解家堡柏林堡焚掠一空

二十日神木陷神木司員吉謙同知熙昌同知增保知縣劉慶餘知縣楊鯉參將瑞福教諭馮樹勳把總景瑞雲典史章祖輝死之

正月十九日獬酋馬致和遂圍神木倉卒未能守禦二十日城陷把總景瑞雲中礮死司員吉謙同知增保知縣楊鯉參將瑞福教諭馮樹勳典史章輝俱死之

同知熙昌受代未行同日死之惟知縣劉慶餘六年春二月卸事後僑住府谷紳民服其威望且嫻於武略稟留辦理團事宜城破時手刃數賊已由城東踰出行十餘里且脫於厄旋望火光冲天炫然曰吾民何辜罹此慘劫我豈忍獨生乎復殺入城至文廟遂自縊於大成殿居民死者數萬人衙署房屋焚毀之餘十僅一

二殺戮之慘未有如斯之極也數日復由西來原路引去

四月獬逆入神木殺其參將慶連

正月城陷衆官俱罹於難惟慶連以逃匿免朝議革職未及去任時城內數月無官居民聞賊去漸有引歸者寥寥不過數千餘雖參將僅存然兩手空拳實無一兵城垣頽圯門戶大啓守禦亦無人四月賊復至殺居民數百人慶亦遇害

十月獬逆圍神木知縣賈敬修死之

五月賈敬修始蒞任諸事草創掩骸骨補城垣居民賴之十月獬逆馬致和引賊至復圍城敬修上城言曰神木銀錢衣物爾等前俱掠劫罄盡今空城耳何爲而此賊應以祇需知縣官不攻城殺也賈慨然曰若不殺我百姓吾何惜一死愛身乎乃自縊下賊擁諸馬上行十餘里至梁家園脅降哆口大罵賊怒攢刃之而去次日尋得其尸於田塍上滿身刀矛所傷約數十處嗚呼烈矣腊月初總兵劉厚基率陝西撫標兵一營駐神木八年三月提督宋慶率豫軍由保德州渡河屯神木南郊民心稍安商賈亦有至者與賊相持數年殺賊無算餘賊盡竄平涼慶陽

間始得聚而殲之事平

八年三月提督宋慶率大軍至神木

三月豫軍將總兵蔣東才先率一營由保德州渡河至神木屯於南郊五月提督宋慶率豫軍十五營陸續神木沿邊駐札令裨將總兵蔣東才統五營駐黃防東路裨將總兵劉鳳清統五營分札黃河沿岸防北路宋慶自統五營留札神木防中路資接應佈置既定民賴以安迨賊至是不敢復撓神木遂賑卹灾民安集流亡勸民種秋糧兵燹遺黎栩栩有生意矣

九年秋八月宋軍大破迥逆於蒙古扎薩克旗之蟒蓋兔按此地距城百三里有今輪

漳

初迥酋破神木後盡盤距於蒙古扎薩克旗之蟒蓋兔築室反耕而爲久屯計八月提督宋慶令營官總兵蔣東才率步隊二千餘人攻賊於莽蓋兔賊以死相昨戰一日夜兵幾不支次日黎明營官總兵劉鳳清率騎兵二千來會戰前後夾攻乃大破賊追百餘里斬馘以千計獲牛馬無算賊奔鹽海子是役也賊經此大創

衆已膽破後雖屢撓蒙古聞兵至輒無復曩時跋扈之態矣漸逼至甘界盡殲之亂始平

十一年七月大學士左宗棠奏調宋慶由神木赴甘助勦

九月宋慶奉旨後始於十二年春拔營至肅州合金順徐占彪諸軍攻賊八月大學士左宗棠至肅州督攻九月克之屠迥數千獲悍酋馬文祿並魁黨八人磔之關內肅清

死難之士

吉謙滿洲旂人理藩院員外郎駐劄神木管理蒙古同治六年上任七年正月迥逆馬致和攻城二十日城破死之其妻亦自縊

熙昌旂人任神木同知同治六年冬月受代未行增保旂人始蒞任七年正月二十日迥酋馬致和陷城俱死之

瑞福旂人官神木參將七年正月告病開缺代者慶連已至以道路梗塞僑寓城內二十日迥逆馬致和破神木城瑞福死之楊艮雲南人六年五月署理神木知

縣正月二十日猶逆馬致和陷城死之教諭馮樹勛米脂貢生典史章輝祖江蘇監生同日殉難

劉慶餘湖北漢陽人官神木縣知縣年三十餘短小精悍恩威並著紳民脫服六年正月卸任後以道梗僑寓府谷神木紳衆以其素嫻武略且得民心稟請來神督辦團防事宜始至數日未及設施正月二十日猶酋馬致和陷城慶餘手刃數賊已踰城走出既而自念雖無守土之責然嘗爲斯地父母之官豈忍偷生一時乎乃復入城縊於學宮大成殿之側居民至今猶稱道不置云

王殿元榆林人官神木營守備同治六年秋間甘猶由花馬池竄入僅有四百餘人騷擾鄉村尙未敢近城左右參將瑞福選閱制兵百餘名民團王二芝等二百餘人檄殿元率往禦之冬月初四日戰於石窰陂賊三伏以待兵死之全軍覆沒把總景瑞雲亦榆林人正月二十日賊酋馬致和圍城時分守南城隨方守禦賊大不得逞乃登東山望見曰城中特此一人也命賊黨伏城外破屋俟其指揮碎以洋炮擊之瑞雲死城始陷

賈敬修河南懷慶原武人以貢生官神木知縣七月五日始蒞任神木至正月破城後居民無幾瘡痍滿目極力撫卹漸有生機十月初四日猶賊大至同寅僉以城不可守約避於城外之西山公曰予守土之官城存與存城亡與亡吾死於此地矣請諸君各自爲計迨圍合公立城上諭賊曰此城爾等前掠劫無遺今空城耳意欲何爲賊問以縣官爲誰曰予是也賊對以奉五爺命願得老爺親去面議不攻城殺也慨然曰若不殺我百姓又何惜一身死乎乃自縊下賊擁上馬行十餘里至梁家園賊置諸上座反覆誘降公知不免戟手大罵始終不屈賊怒殺之乃去次日求得公屍於田間矛攢棚傷至百餘處嗚呼烈哉

郵政

神木東趨畿輔南達西安西通甘肅新疆亦邊塞衝要之地也而其間電線未設郵政已通願神木爲分局專人往來遞送較之驛馬傳遞更爲迅速志郵政

水利

鹽法

蒙鹽

神木本境無產鹽之區順治年間行銷榆林永樂倉鍋鹽至乾隆元年准食蒙鹽而蒙鹽始暢銷於境內蒙鹽又分二種一爲杭金旗莽耐蒙鹽一爲鄂陶旗花馬池蒙鹽莽耐鹽或去神木或去高家堡皆蒙民自行駛售花馬池鹽漢民亦准駛食特限以驢馱肩挑不得車載耳 餘附詳於物產之後

課額定限

神木自乾隆元年准食蒙鹽並無額課因乾隆三十二年永樂倉鹽池被水沖刷課項虛懸四十八年修復鹽鍋僅一百一十五面荒鍋二百七十面缺課銀四百八十八兩零議令榆懷葭神府五州縣設商收買蒙鹽行銷幫課詎行之未久奸商慫恿蒙古訴瀆公衙前議梗阻後議神府二縣並葭州東北路令收買蒙鹽商販舖戶領票按鹽辦課此議一行或設局徵收或截邀抽稅蒙古以短價藉口民人以拙課與訟言發盈庭幾至智窮能索五十三年始議定榆懷神府四縣向食蒙鹽之地俱准舖販向蒙古主道收買行銷司給印帖不計鹽數多寡於是神木

於乾隆五十四年招認收買舖戶本城二十八家高家堡十一家每家幫納榆林缺額課銀五兩共納課銀一百九十五兩乾隆五十六年因府谷詳報鹽戶十一家歇業課項無出奉文榆懷神鹽戶公攤神木按三十九戶每戶攤納課銀六兩五錢九分六釐九毫共幫納榆林缺額課銀二百五十七兩二錢七分九釐乾隆五十七年奉旨鹽課改歸地丁銀內攤徵每地丁銀一兩攤課銀六分六釐八毫零不徵耗銀共攤徵銀一百三十九兩八錢一分九釐遇閏不增嘉慶十一年清諭鹽課仍歸商辦神木招募鹽戶本城二十一戶高家堡十一戶不足舊額三十九家之數因將原額銀按三十二家勻攤每家納銀八兩三分九釐九毫七絲共幫榆林缺額課銀二百五十七兩二錢七分九釐至道光十六年本城鹽戶歇業不敷額數奉府飭令本城高家堡各募鹽戶十六家之數課銀按原額攤徵解府批收後遂爲成例

茶政

物產

神木雖多沙漠而五穀菓蔬禽獸魚介之屬俱備其間尤以塊煤白鹼為特產白鹼設官局開辦銷路頗暢惟煤礦極旺所在皆有惜無汽車僅供炊爨而已他如豕雞之鬃毛拋於野牛羊之骨角委於道製造不昌貨棄於地良可慨也茲將神木之物產分列於左

穀屬

粟穀 有黃白二種又有梁穀可蒸食紅穀可釀酒 糜穀 有紅白青灰黃五種又有名稷糜者可造糕釀酒 稻穀 出自高家堡邊外秃尾河岸 稻黍 即高粱 春麥 宿麥 大麥 俗名草麥 苽麥 莞豆 扁豆 菜豆 大豆 缸豆 小豆 青豆 黃豆 黑豆 麻子 子可榨油皮可作繩製紙 胡麻 可榨油食之味亦芳馨 芝麻 黃芥 可榨油神木餅餡均用此油製造 荳蔻 草實生於沙漠中荒年尤多民取以充飢 棉蓬 亦草實荒年亦能療飢 稗子 生於溼地豐年飼畜凶年濟飢 黑麩 俗名青顆

蔬屬

韭菜 菠菜 白菜 芥菜 有肉根細切之名曰芥絲 磨菇 出口外味極美 蒼蓮

沙芥 生沙漠田中 甜苣 茄子 瓠子 葫蘆 製成絲用日色曝乾頗美 蔓菁 蘿葡 有紅黃白三種 苣蓿 蘆菜 苦菜 苜蓿 苘蒿 灰菜 葱 蒜薹 豆芽 萵苣 蓮花菜 山藥 芋 紅豆菜 萵笋 黃瓜 白合 香瓜 南瓜

貨屬

羔羊皮 製為衣輕暖異常行銷直隸上海等處 山羊皮 近年洋商購買價較從前倍蓰 牛皮 製成轉售於蒙古土人出口亦多著皮轉 狐皮 近年價甚昂 駝絨 洋商購買價甚昂 羊絨 銷路甚暢 羊毛 綿羊毛製為氈山羊毛製口袋片均銷於本境 花鬪 以綿羊毛為之此等工匠約有百人隨意織造五色斑斕自然成文惟成本較重價最昂 煤炭 神木最多價亦甚廉 煨炭 炭質輕鬆無烟每燃一塊可終日不滅詢禦寒之良品縉紳之家多用之 銅器 製為銅鍋銅壺銷於蒙古地方及榆林一帶土人用之 鹼 產於神木邊外質性高潔他省所產之均遠遜焉 火石 火鏈 擊火石以取火者盛銷邊外 佩刀 長五六寸至尺餘製頗精工 茶桶 用木瓜木為之行銷蒙古地 皮鞞 銷於蒙地 紙 以麻為之銷於境內 香 以柏材及檀屑為之頗有名於邊上

神邑業此者亦夥行銷於沿邊各州縣 水桶板 以柏木爲之運銷於榆林及定邊安邊 菓丹皮 以菓爲之行銷頗遠

以上均爲神木本地所產之貨若布疋等物來自晉省者不贅

草屬 附花

馬簾 葉長尺餘秋後刈之可製紙春三月間開花花藍色有香味一名馬蘭 沙竹 生於沙漠中葉長尺餘寬約指許莖三四尺翠綠如細竹故名秋後取其葉可飼馬牛可製繩索 沙蒿 沙漠中恃此以肥田又名爲家沙蒿者子黏實食麪用之其價尙昂 芊苾萃 叢生高尺餘葉厚而形圓如榆葉然莖紫色有毒置之田中可殺蟲 沙茶 實如櫻桃有乳稚子喜食之 沙蓬 初生時可飼豕荒年人亦食之 沙葱 高二三寸人喜食之 小蒜 大如指頂形似蒜可食 蒟蒻 蔓生根赤味甘稚子喜食之枝長尺許初伏日收之可染綠色 芫旋苗 春前初生時根含糖質潔白而嫩荒年民掘食之 艾 溼地生之名曰水艾 蘆草 生於溼地根蔓延於土中其生甚速 白草 能肥牛羊 地椒 土人煮肉以代菽桂頗香 香茅 可辟蠱 息雞 可製席 灰蒿 子亦黏實此外有莠 蓼 蒲 牛母

花

牡丹 芍藥 雞冠 山丹 即百合 金盞 石竹 向日葵 鳳仙花 木槿 蓼 月季 刺梅 秋菊 西番蓮 蜀葵 米囊 水仙 玉簪 金鵲 鳳翅 粉團 珍珠 牽牛 石榴 八仙 繡毬 百日紅 十樣金 米菊 捲丹 即萱草

木屬

神木先年富於材木惟松柏爲尤多故城中舊屋椽樑椽柱無非松柏木者斯非其明證歟今雖童山濯濯而偏僻之區丸丸者猶指不勝屈也 柳 槐 椿 榆 檜 桑 桃 李 杏 海紅 海桃 萍菓 梨 棗 菓樹 青白楊 水楊柳

禽屬

家禽

雞 鵝 鴨 鴿子 土人所謂家鴿子

野禽

鷹 邊外最多冬上人設罔誘致之以千百計需其羽毛其價頗昂中有名爲玉帶者其價尤昂 胡燕 狀若燕而大 雉 邊外爲多味甚美 鷓 布穀 石雞 鳩 鴉 鷓 燕 雁

鶯 慈鳥 子規 蠟嘴 串林 啄木 鴿子 百靈 紅雀 雀 喜鵲

鷓鴣 鳧 白鷺 鴛鴦

獸屬

家獸

牛 馬 羊 豬 騾 驢 犬 貓 駱駝

野獸

狐 兔 豺 獾 冬蟄皮作褥最溫 狼 狸 會鼠 穴行於地雖遇堅土亦往來自如

跳鼠 前腿極短後腿極長冬蟄於地至春始出土人於秋間掘食之肉頗肥美 刺蝟 黃鶺鴒

掃雪 黑色皮頗珍貴 黃羊 邊口外最多千百成羣蒙民以銃擊而食之大者四五十斤肉味頗美

鱗介屬

鱗類

白魚 出屈野河 鯽魚 出口外 鮎魚 灰蛾 出井底

介類

蝸 沙虎 蜂蝶 蟻 蝌斗 蜻蜓 蝦蟇 蝙蝠 蜘蛛 促織 甲魚

毛柵子

豸屬

蛇 蚰蜒 蟻

附墮之出處及製土之法

凡湖泊蒙古均謂之淖兒出墮之處一名阿肯淖兒一名察哈淖兒察哈淖兒之墮土性剛阿肯淖兒之墮土惟柔且多鹽質夏秋水多墮沒於水至冬北風大起水涸而墮生或四五寸或七八寸或尺餘不等於是令蒙漢貧民攬取運出淖兒之左右墮局收買復運至塞鎮入鍋煎熬

熬墮之法先將墮化而爲水去淨沙土入釜煮之視水氣盡即移入範中成錠每

錠以八十五斤爲率煨土上者每斗可熬二十五斤劣者不過十五六斤且有斤上下者成錠後運至縣城及高家堡銷售

熬煨之時須以察哈淖煨七成阿肯淖煨三成配合而熬之色味俱佳若徒以察哈淖煨熬之則色暗而易烈或僅以阿肯淖煨熬之則味鹹而易飛一經調劑所以絕美也

煨熬成時每煨一斤約需成本五釐發客價值自一分一釐至分二釐不等近年直隸山西河南商人購買甚多將來銷路之暢旺可操左券矣
淖中出鹼無定或一年一出或數年一出然一年所出之土數年用之不盡但使得人而理改良進步精益求精間邊外絕大之利源也

附鹽

鹽產距神木縣城四百餘里之杭金旗西北名哈拉麟耐海子周圍十餘里水深四五尺色渾冬不冰凍投以百物旋化爲鹽惟人髮馬尾不化鹽在水中結成顆粒其質堅重其色青白其味苦鹹每斗約重二十三斤謂之大鹽備趁蒙古先

以柳筐入水撈取傾於岸側累積成堆以傳來運者所得傭資不過煙茶熟米而已舊制七旗蒙古貧苦無可謀生俱准自備牲畜赴鹽池駛運進內變價餬口杭金旗主不受鹽價每駛止收稅錢數十文其鹽行於府谷神木及河東七協河曲偏關而太原以北瀕河州縣亦准協濟惟不准水運恐攙入河東引地以本邑而論蒙古駛鹽進城各投素日交易之家謂之主道將鹽或估堆或量石照時價給與蒙古得價後旋即折回從無守候之累其鹽戶收納鹽稅各事載於前鹽法中外又一種謂之紅鹽出於寧夏之屬阿拉善旗例禁赴神府銷售又五勝札薩等旗有小鹽池數處謂之小鹽然味苦硝多食之不宜此外惟鄂陶旗花馬池鹽性最和平其取鹽之法先平地爲畦將池中鹽水灌之經宿畦中即白如霜雪二三日即爲細粒四五日即顆粒大而色青矣蒙民挑出畦外待售鄂陶旗設局收稅爲一大進款該旗之富足半由於此

神木郷土志卷之四

風俗

神木男多慈良女多貞靜男尚質樸女尚繁華盈實之家無論已即家道小康每娶一婦其妝奩猶需數百金而親朋燕會酒必甘醴餽必海錯奢靡殆爲邊上所僅見焉近年邑紳等共相協議凡冠婚喪祭供獻饋遺胥從儉約然僅空言未能實行蓋積習使然也志風俗

習尚

學界

神木士風淳樸後生小子稟沙水之靈氣而性多聰敏然尚文者不若尚武者之多故先年文科少於武甲近歲設立學校頗知向學凡肄業校中者初無黨競之習且尊禮師傅較他處而倍摯

商界

神木商民勤耐勞交易率在清晨故街市之間甫黎明即往來憧憧多半懋遷邊外露宿野處雖風霜凜冽不憚勞瘁惟在他省貿易者蓋寥寥焉

農界

神木農民俗尙勤儉然地脉瘠薄艱於謀生豐收僅足衣食凶荒即不免於流離鄉農有地者則自己耕作無則或租種人田或夥種人田租種人田者租粟若干數向田主說明秋成完納夥種人田者有二類一田主出牛籽己出工力所獲之粟二分均分一田主不出牛籽秋後視地之肥瘠或三七或四六付租粟此外則受僱傭工絕少遊惰之人惟境內水田無幾僅有五分之一堪種夏禾餘則均種秋苗糜穀爲重雜次之總以雨多風少暖久霜遲斯爲上稔

工界

百工中惟皮工畫工木工泥工居多成物專求堅樸不尙奇巧

歲時

正月元旦 祀神禮祖叩尊長親友更相拜賀 立春觀迎春寫貼宜春字啖春

餅 五日前夕三更掃地用香紙傾穢於十字街口謂之送窮 上元自十四日至十六街戶懸燈三夜放花炮用石炭累火塔衆相劇飲 二十五日天倉節多蒸饅餌食之謂填倉婦女忌動針線 二月二日用灰布地邊舍作圈形謂之圍灰城以避蟲螫鄉間用紙壓在磴子下俟雞聲唱於磴眼孔中擊之謂打龍眼紙遇電燒之時或能止 清明前數日男女持冥鏹出郊墓祭塚頭添土家中樹鞦韆架謂之閃眼明 四月八日爲佛生日多赴菴寺喫齋送五色紙幡於佛殿 端午士民角黍相贈戴艾葉懸艾虎門插菖蒲飯雄酒小兒項臂纏五色線以避邪 六月六日作醬不壞晾衣服免蟲 七月七日婦女於日夕上香乞巧 中元農家賽神懸挂田旛男婦墓祭城西門外放河燈 中秋親友互饋瓜菓月餅日夕聚飲玩月 九月九日邑人携酒往東西山登高 十月一日前夕各家市冥紙翦冥衣焚之於墓前或大門外謂之送寒衣有新喪者哭之 冬至數日內男婦墓祭是日開家宴謂之過冬邑人最重此節 十二月八日黎明以黍米雜棗肉煮之謂之餠飯即臘八粥也 二十三日祭竈掃舍宇 除日各家俱蒸饅

餌備餽饌以應歲需換門對貼門神累火塔燒煖熱是日多嫁娶俗謂諸神上天無忌

禮節

婚禮

縉紳之家先擇婿才第延星者合婚求媒互送庚帖遺以首飾謂之放話即問名之義次擇吉月遣媒請期預備金銀珠玉首飾綢緞等物送於女家謂之放定禮即納采之意及迎親之日先男家送衣物於女家謂之催妝女家置備嫁裝親友衣冠隨送謂之過廚櫃至期男家用采輿執事選少婦二人乘轎往迎女家扶女上輿亦選少婦二人乘轎伴送彼此均謂之媿姑及抵婿家將新婦扶上炕隅向吉方背坐徹夜不睡燈火不息謂之背坵塲次日邀請岳家尊長選吉時開面理髮婿親執梳三通取結髮之意然後束髻粧飾扶向前禮拜天地行廟見禮先拜翁姑次尊親及伯叔姊妹等禮畢歸房過三日婿家先帖請岳父母及女之至親赴家筵會謂之園飯七朝女家帖請婿之父母伯叔兄弟及外姻尊長並婿女至

家筵會謂之回門若民家一經問名婿家先以銀錢餽遺謂之放拜禮其迎娶之儀概從簡約耳

喪禮

視含殮後分送親族孝布貼訃紙於門三日成服設靈開弔有力者延僧道在靈前作佛事必赴城隍廟招亡謂之迎魂次日午開僧道出街謂之揚旛晚間赴廟疏誦祖宗名諱謂之召親家中先設六簋親友弔畢宴飲謂之鹿鳴菜繼備大饌素菜請送弔禮者男女會食謂之喫齋數日之間所費動以千百計貧者則無此葬經三日舉家赴墳哭奠謂之復三其服制案服而釋

祭禮

縉紳之家每逢祖考忌辰誕辰或祭於墓或祭於家廟至春秋時享皆於墀間設奠祭品概用三牲時物罕有設饌熟薦者

燕會

酬酢之禮頗不廢或逢節序或遇慶弔設席相邀概以八簋爲率或有加焉近年

用海味者居多未免奢矣

附女紅

境內不產絲麻絕無紡織之事婦女雖習刺繡亦未精細惟縫紉布衣經管家務其勤儉有足取者

祥異

嘉慶十六年霜災 十九年旱災 二十一年六月雨雹 二十八村 道光五年

雨雹 二十六村庄又伏盤地六十一村庄 八年七月雨雹 十三村庄災尚輕 十五年七

月雨雹 六十四村庄 十六年七月雨雹 一百零五村庄又伏盤地四十村庄 十七年六

月雨雹 二十村庄 十九年六月雨雹 以上見府志

同治七年正月一日有雲如路自西至東赤如血 光緒三年大旱 米斗銀二千餘

存盈野 十一年十月星隕如雨 十八年大旱 二十五年大旱 二十六年大

旱 二十八年七月隕霜殺禾

名宦 乾隆以後如同治七年死難之知縣劉慶餘買敬修可稱名宦已載兵事不贅茲特附詳宦

續於左

普福理事司員蒙古人乾隆間三任神木理事司員時額缺新設諸事草創福於蒙民科弊一一清釐至今中外利賴

嵩英滿洲人嘉慶年任神木理事司員靜鎮有體蒙民懾服

阿穆爾布彥蒙古人嘉慶年任神木理事司員仁明公正榆林有失入蒙案株連生命數人彥立辨雪

同知

富兆滿洲人嘉慶年任神木同知廉幹有聲上游器重十六年榆屬五州縣辦賑憲委總理民沾實惠

覺羅吉興阿滿洲人道光年任神木同知言行廉謹自立居官功過格每事省察嗣因調派新疆邑民餽遺勉受百分之一日聊以副爾等美意耳人比之山陰一

錢云

令長

張元林山西陽曲人武舉由保舉以文職知縣用乾隆年署神木知縣建修糧臺徵收糧石平準斗面里人感之立碑南倉殘不載

陳天秩山東青城人進士乾隆年任知縣請帑監修城垣被雨傾圮復勸捐續修完竣

王文奎江蘇常熟人舉人乾隆任神木知縣創修興文書院捐置書籍月課校士並捐立義墳地於南門外屈野河東在任最久始終有善政

黃茂山西夏縣人進士嘉慶年任神木知縣明作多治辨功署少私人案無留牘神邑爲蒙民交涉之區茂亦以公直行之力砥中流風施甚著十六年霜災辨賑尤殫心力

馬濟川雲建水人舉人嘉慶年任神木知縣教養有方十九年旱災辨賑允洽民情

徐葆甫浙江海鹽人拔貢道光十二年署神木知縣剛明有治術時值歲歉捐辦平糶以濟民食巡撫楊名鸞奏准議叙

僚佐

馬斯臧鞏昌人舉人嘉慶年任神木縣教諭日進諸生講解經義督課勤勞康景行邵陽人舉人道光年任神木教諭課士不倦尊嚴而威諸生成畏愛之

人物

賢哲

趙宏允字徽枝時值流賊未靖宏允承父命奔沙漠聞賜田宅於西安馳歸年甫十七適賊黨高有才據府谷宏允伏劍從軍督師奇其貌與語大悅即令軍前立功亂平授千總嗣後從王永福進勦楚寇有功擢守備又隨征南將軍穆進勦吳逆三戰摧其鋒自是軍中有虎將之名授遊擊管副將事又敗賊於衡州遂復衡時江西山賊又熾奉調援勦以三百人奏捷復率師靖粵西以副將權永州總兵事抵任方踰旬復戰辰沅旋授銅仁副總兵又調勦滇南三山街等處八戰皆捷僞駙馬夏國相逸交趾宏允馳五晝夜追擒之並獲僞將軍王永清等三十餘人滇南底定以功加左都督仍帶餘功五等擢蘇州鎮總兵訓練維勤躬巡水陸暇

則敦詩說禮有名將風在任十餘年歷署蘇提督事嗣蒙覃恩晉階榮祿大夫宏允感激泣下時年已七十自歎曰馬革裹屍予素志也今時際昇平老臣無所報効力請解組歸里後日與老農閒話桑麻絕口不談兵事卒年八十蘇人聞訃數千里來邑哭奠歸請祀名宦

白聯陞字子卓由行伍於乾隆三十七年奉派出征金川有功補材官嗣駐防伊犁升守備惠愛士卒屯麥折價必從厚時城有普沾實惠之頌又編擊蝗法甚善後升江南漕標都司卒於任

張名世字覺庵由貢生任通渭縣訓導學粹品端立家塾以培養後進卒年七十知府王賜均出其門立有教思碑

廉能

王賜均字桐封由舉人任甘肅鎮番縣知縣升秦州知州時當河州逆猖之變督帥駐秦委辦糧臺無缺誤歷升慶陽寧夏知府告歸卒年八十一賜均人剛直而惠待桑梓在任時命弟賜塏捐廉銀一千兩倡建興文書院乾隆四十八年歲歉

復捐平糶銀千兩里人至今稱之尤工書法有臨爭坐位及書譜鈐板行世

勇略

郝偉由行伍累官雲南鶴麗鎮總兵鎮爲滇中屏障控制蒙番屹爲要地偉官滇二十餘年悉其風土爲時簡軍政明紀律士卒愛戴蠻夷讐服康熙年疊蒙清廷賞戴花翎並賜詩扇及袍帽鞍轡等物年六十卒於官御撰祭文遣官賜贈左都督祀鄉賢

秦鍾英由一甲第一名武進士授頭等待衛在乾清門上行走道光六年選廣西提標遊擊十七年升山西老營堡參將二十年升直隸河屯協副將尋升貴州安義鎮總兵二十八年正月以雲貴總督林則徐檄協勦雲南保山哨匪適趙州彌陀渡復有匪徒滋事先行移師勦定保山匪徒聞風震懾迨至全師壓境即畏獻俘將首從各犯分別治罪復將各處積年逸匪搜獲多起鍾英偕雲南提督榮玉材等搜捕不遺餘力經林則徐入奏下部優叙九月署貴州提督尋即實授三十年湖南匪徒李沅發等倡亂竄入貴州之洪州太平山一帶滋擾鍾英督師堵勦

擊斃多匪擒其渠魁追之奔至水口等處俘誠無算餘匪竄逸復借總兵秦定三等分駐楚粵接壤地方防堵旋以首逆就擒邊界肅清入奏下部優叙咸豐元年卒

忠節

張科由行伍任黃甫營遊擊殉高有才之難贈懷將軍

劉德字覃敷由舉人任通渭縣訓導河州猶逆變亂城無守兵德率士民晝夜防禦俄而南城失守賊乘間入德朝服設案望北叩頭登學樓自縊繩絕墜地下折足瀕死賊見其僵臥以爲其死也未加害翼日復甦賊他去督師奏聞鑒其忠令以原職回籍總督福康安贈以詩曰廣文投閣屬間曹折足猶能勝折腰怪殺蜀中同進士熟官不及冷官高謂縣令某也

賀大德字懋昭由武進士任貴州大定協守備升雲南曲靖協都司奉派出征興義軍營撲敵受傷叙功賞戴藍翎又調川省軍營被賊鎗傷右膝得受功碑回營養傷委署荔波營遊擊傷發卒於署

曹文魁由行伍奉派出征川楚在舊縣南關勝賊立功拔補綏德州營經制外委嗣於鳳縣唐藏地方打仗陣亡奉旨准襲雲騎尉世職二時完時給與恩騎尉世襲罔替

王府霞由行伍奉派出征金川屢獲勝仗嗣殺陣亡給賞歸葬立碑紀功

王鏊由行伍奉派出征川楚在韓家樓地方撲賊陣亡給賞歸葬立碑爲此邦勇士

孝義

李彰邑文生事母趙氏克盡子道康熙十二年葭州知州閔三元署縣事爲之建坊

黃大琦縣民庸行克敦鄉黨公贈匾額

單大業邑文生篤於孝行闈學公懇官爲優獎後年八旬慎終如始學政劉凡山西保德州知縣王克昌各贈額言合建一坊於城東南隅

單壽德邑廩生大業子也事父母無閒言親死卜葬於龍頭嶺地苦無水日事遠

汲稱德夜半思親獨步忽聞水聲潺潺音甚悲切覓視山罅突出一泉清澈異常因名之爲涓滴泉康熙五十九年邑紳立孝子碑於南川

喬嗣敘邑武生事親盡孝母患癆疾晝夜侍奉不輟醫云非人參不爲功奈貧家莫辦嗣敘痛泣親友見而憐之贈以參服之果愈闔學以孝行舉報縣令優獎

孫樂世縣民甫周歲父廷佐遊幕川廣音信梗阻者十餘年樂世成丁後哀求生母立志尋親徒步入川而廷佐已往黔省復步行至黔尋獲回籍嗣廷佐又遊江左母染病樂世祈禱願以身代歿後廬墓二年復徒步至江左尋父歸里家無擔石之儲而甘旨未嘗少缺乾隆十三年舉報旌表

楊世賢縣民生甫三月父病歿母李氏苦志撫養至六七歲即時負薪易錢買瓜果餅餌以奉母比長負苦力作日常一餐而甘旨必備晨昏問視無閒後母頭生腦疽延及腰背膿血沾溢遇道士詢方答曰用口吮之當愈世賢以法治之果效道光舉報旌表

王聚福縣民幼孤家甚貧年七歲時值歲歉隨母育於舅家地名朱家槽距縣四

十里每日挑菜拾薪母子僅獲半日飽稍長傭工以養母先意承志曲盡孝道母忘其貧後母卒始歸神木因喪在外而不能合殯輒痛哭不已卒負母骸以合葬時嘉慶十五年也請旌如例

義

高尙勇武舉任山西太原千總乾隆二十四年歲歉母命出粟三百餘石以濟貧民邑人至今稱之

喬曰祿邑貢生孝友傳家五世共爨子弟中無白丁邑中家風當以喬爲最弟曰泰亦貢生品格相似

宋之效邑貢生自幼孝友成性昆弟十人處無閒言且學問優長課徒先重經義庭訓尤嚴子良成進士

杜錦繡縣民家僅中資年三十餘生一子病殤錦繡將外貨銀錢契券約千餘俱焚毀更勉勵善行未數年又生一子如桂中式武舉孫嘉樹亦中式舉人

黃天廕邑貢生任涇陽教諭居鄉時捨藥設粥冬施皮衣以給貧民並鄉塾捐資

延請名師凡邑中佳子咸令就傅成就頗衆

薛勝邑文生性慷慨好行方便事城西兔毛川每歲冬獨力修建木橋數處民不病涉行之數十年不怠勝歿其弟騰繼之並因開修水道東川立 碑

王起維監生議敘八品性直好施遇有義舉不吝惜捐榆林河工巡撫盧坤贈以匾額並榆陽書院及本邑義倉均有捐輸道光十三四年歲歉米貴如珠復捐平糶爲首倡巡撫楊名鸞奏准獎勵議敘其二子際春書

李振邦監生性鯁直不隨時好而於周親郵族事勤懇悉至凡地方公務力肩其任不辭勞瘁道光十三四及十七二十等年辦理平糶皆爲首事各贈匾額

白仲熊吏員懷直尙義邑中子弟貧不能讀者仲熊於道光九年在明倫堂外偏舍延師悉聽就學奉行十餘年不倦其弟飛熊猶踵行之復於道光十四年平糶捐資贈有匾額

趙宗普邑增生家柏林堡都督一麟之裔爲人寬厚廉靜與人不較堡城地僻少師儒自立家塾令村鄉子弟就學不受修脯每多成就

劉芳縣民居柏林堡秉性端方幼即孝友異母兄二早逝遺孤撫如己出俾得成立居恆自立功過格言動必檢爲士所推重

劉調梅縣民住高家堡堡西城外即秃尾河乾隆十五年都閩焦公欲開河渠引灌民田其水必由調梅地經過焦公難之調梅慨然捨地渠道以過堡人爲之立碑因堡地舊屬葭州舉於州牧報充農官

張存武縣民住石塔村乾隆五十八年有過客憇於村傍臨行遺一布袋存武拾之啓視白鏹數觔急追三十里始及將原袋還之客感謝

貞節

李氏民人朱載妻年十七夫出外無蹤姑令他適不從自縊死

王氏生員喬光噉妻夫故氏年二十歲無子女三年釋服諸婦媢勸之嫁一慟絕粒而死

王氏縣西高家堡民人王躬之女自許配宋昱爲妻親迎有日矣而昱遽亡氏年方十八聞訃痛哭已而臥牀不起亦不飲食母詢之曰汝殆爲媢之亡也乎第言

汝志吾當從之氏曰請如宋門至靈前一奠死不憾矣父母允之即輿送宋門至靈前哭奠畢誓不回歸父母從其志即加笄成服繼晷兄子存義爲嗣仰事俯育勤苦持家終身未嘗施脂粉道光九年題旌卒八十二歲

儒林

王士麟字瑞庭康熙間副貢任長垣縣丞壯歲通經襟懷瀟灑後無志仕進卜築於駝峯山講性命之學邑令范聯芳屢贈以詩

文學

神木舊少士其有成功就焜耀史冊者則半由武起家自光緒戊子後文風稍振近十餘歲聰明子弟屢出不窮更章後或有畢業京師大學堂者有畢省城高等學堂者文學之興正未有艾姑據所聞登其一二以勸將來
喬璋邑貢生字奉之品端學粹能文工書課授生徒勤勞不倦以故神木文士半出其門光緒二十八年授藍田訓導時年已七十餘矣赴任未久即致仕還鄉旋卒邑人立教思碑於縣南門外

汪洛書字呈九邑貢生博學能文且爲人寬宏厚重制行不苟誘掖後進成就極多光緒三十四年卒邑人立德教碑於北門外

隱逸

王克寬字量恢號空谷山人少孤貧讀書自勵以立品爲先好遊覽名勝善書法尤工詩畫名重一時邑司馬周鐔元慕其人相邀入署樂共晨夕鐔元升任江西約於偕行克寬初以疾辭繼思洪都必有佳山水遂欣然就焉數年疾歿南省鐔元亦旋卒克寬旅櫬貧不能歸邑人聞信醴金迎歸葬於城南

白世采字永瑞號懶翁少孤與妻王事繼母最孝博學善書不求進取與人無競恥浮夸喜勸人爲善尤愛施予當道名公巨卿請謁恆不得一見座中羅列名花書畫暇則焚香彈琴懷抱清遠乾隆八年三月正襟危坐而逝著有五原詩稿惜未傳刻而西郊手植柳樹株邑人比之彭澤焉

折必宏邑武生性好靜不履城市終日閉戶讀書罕與物接名字帖無不臨摹遠近知名者以碑銘乞書戶外履滿邑人知府王賜均攜其墨蹟入都名公卿評爲

關北第一今城內外詞宇猶留有石刻

流寓

文典湖北人乾隆年舉人因事謫戍來縣學問優長邑人共延爲師廣受教益後因老疾卒門下士葬於東郊題其碣曰楚遷客文諱典之墓

方技

宋存仁邑西高家堡人精於岐黃之術每遇疫癘輒出奇方活人無算時有神醫之目出其門者楊承裴天富均稱良醫而惟天富尤得其傳云
裴天富高家堡人精通醫理尤善鍼灸爲府學官其術之最奇者有石工韓某事母頗孝母病甚延之使醫天富謂疾不爲醫亦無益某固哀之天富曰病入膏肓實不爲但汝家極貧一日歇業即突無炊煙汝第出作工三兩日尙屬無妨其人恐猝有不虞以獲親母之生面爲悲天富曰汝去後吾每日珍視至易簣時急召汝還如何某泣謝一日天富去稍遲媪目已瞑而氣息矣天富大驚急刺之以鍼命人速召某歸工廠距堡十五里歷數時始至至則天富旋轉其鍼媪忽醒母子

對語片刻語畢去鍼卒此其一端也於同治七年殉難

陵墓

墳墓

武狀元武鳳來墓在永興堡嘉慶丁丑科武狀元

秦提督鍾英墓在縣城北八里之孟家溝嘉慶己卯科武狀元咸豐元年卒諡曰貴州提督秦鍾英由侍衛游升專閫仰蒙皇考簡擢提督操防巡緝均屬認真茲聞溘逝軫惜殊深著加恩照提督例賜恤一切處分悉予開復應得卹典該衙門察例具奏尋賜祭日鞠躬盡瘁臣子之芳跡賜卹報勤國家之盛典爾鍾英性行純良才能稱職方翼遐齡忽聞長逝朕用悼焉嗚呼寵錫重膺庶沐匪躬之報名垂信史永貽不朽之榮爾其有知尙克歆饗

鍾英之一品夫人孟氏於同治七年迴逆陷城時年已八旬扶杖出門罵賊而死其長孫夢熊在京聞報遂申忠義總局轉詳順天府府尹彙奏恤奉旨准在原籍建立專坊節孝祠內設位

古蹟

神木舊多古蹟後屢經兵燹往迹半已就湮雖舊志所載之確有可指者今或親歷其地或咨訪土人求如舊志所云僅十有三四餘概無存茲將就現時之可考者錄之於左

東山舊城在縣東三里龍眼山後元初立雲州於神木寨至元六年改縣十八年主簿王瑄徙城於此今土垣猶存周圍約五里有東南北三門西臨大壑無門自明正統五年徙治楊家城而城廢矣

麟州城 一名楊家城以州刺史楊宏信長子重勳孫光世守麟州駐劄此城次子繼業孫延昭皆以勇力雄其一方因而得名在縣東北三十里其城巖懸崖下臨大川有內外土城二內城居中南北二門外城周圍約八里東南北三門西臨崖無門東門內有真武廟即將軍山廟斷碑猶存其西北二面即以作邊墻

幽陵都督府 在縣西高家堡東五里山上宅門塢堡內

英寧府 亦在宅門塢堡內上有石坊鐫英寧府三字堡在唐貞觀時爲幽陵都

督府乾元初爲英寧府五年罷府置邑司爲宅門塢堡

書字崖 一名龍頭嶺在縣南白龍寺山口距城十里壁間鐫有宋楊宗閔題云宣和二年暮春二十八日麟府路軍馬來承祖德按行諸壘還至靜塞外憇此第三將宗閔景賢副趙惟孝元與時偕行又書云暮春二十九日清河公祖德復會射道話又書龍吟二字童嶺回淵四字

紅字溝在縣西高家堡七里廟塘汛迤東南五里許溝內懸崖約高二十餘丈崖頂下三丈有大紅字四深入石間字迹草籀莫可辨識溝因之得名

神仙洞 一名賀家洞在縣東錦屏山內明戶部郎中賀榮遊息處洞口石上刻有人間天上四字

張家洞在縣西筆架山之巔 即明總兵張墜家祠

神木道舊署在縣城中高等學校照壁後故址尙在

經籍

金石

藝文

拾遺

勝景

雲川八景

龍眼透日 虎頭吼風 筆架蒸霞 香爐伴月 紗帽舒雲 錦屏疊雪

屈野轟雷 杏灘濯雨

豐州八景

興武橫雲 幽陵積雪 石洞清風 巖壘煙淡 平沙落雁 尾水浮魚

南堤春柳 西峪秋霞

天台山八景

樓攀香桂 池蓄甘霖 崇峯南秀 屈野西清 黃河點石 紫嶺堆雲

石獅近臥 金鍾遠聞

坊表

聖世仁人乾隆年為貢生倪必會立

惠分桑梓乾隆年為監生郝邑宰立

尚義可風嘉慶十六年延榆綏道朱絨為貢生黃天敘立

惠佐斯渠道光四年延榆綏道顏伯燾為理事司員衙門把總王起棟立

義敦桑梓道光十四年巡撫楊名颺為辦理平糶監生李振邦等十九人立

義舉仁聲道光十四年榆林府知府徐光縉神木縣知縣王致雲為捐資平糶文

生宋之京等十七人立

利濟攸資道光五年巡撫盧坤為議叙八品職員王起維立

賈平足民道光十七年神木知縣王致雲為辦理平糶議叙八品文生薛紹光等

十四人立

從公運濟道光二十年榆林府知府李熙齡神木縣知縣王致雲為經理公糶監

生李振邦等六人立

志異

柏枝紋左紐

柏林山武廟周圍有老柏數株枝紋皆左紐相傳有人拾寶盆埋於樹下左紐一枝爲識次日柏枝皆左紐遂失盆所在此固齊東之言未足爲信然枝紋左紐則異於常柏志之以備一格

石含木質

縣東里許東山之麓有洞鑿石成之中祠佛像數年前洞頂崩裂露木形周約數圍文理似柏枝幹宛然惟葉色焦黑似曾經火聞石中韞玉不聞韞木姑志之以俟研究

終